

Galue soifua maloloina ma le saogalemu – Fa'amamaina

O le COVID-19 e fa'asalalau e ala i sua e to'ulu mai le tagata ua a'afia pe a tale pe mafatua. E mafai ona maua le tagata i le siama pe a tago i fola po'o mea o lo'o pipi'i ai le siama ona tago lea i lona ia lava gutu, isu po'o mata.

O nofoaga faigaluega e tatau ona fa'amama i aso uma. O le fa'amamaina i fasimoli ma le vai ua lava lea.

E tatau ona e:

- fa'aititia le tago atu i luga o fola; tu'u i luga fa'ailoga ma lagolago lau aufaigaluega i le fa'amanatu i tagata fa'atau
- faaititia le numera o vaega e tago i ai mo tagata faigaluega
- fa'aavanoa mea e fufulu ai lima po'o sanitaisa mo lima i so'o se faitoto'a e ulufale ma alu 'ese ai pe a mafai.

Fa'afefea ona fa'amama ma fa'aaoga vaila'au

Ae le'i fa'aaogaina vaila'au i luga o fola, e matua taua tele le fa'amama muamua. O palapala ma 'ele'ele e mafai ona fa'aititia ai le aoga o vaila'au e tape ai siama.

E tatau ona e fa'avanoaina i au tagata faigaluega ia mea fa'apitoa e fufulu ma fa'availa'auina ma mea e puipuia ai i latou, ma ia mautinoa e a'oa'oina i latou i le fa'aaogaina o ia mea.

O le a le 'ese'esega i le va o le fa'amamaina ma le fa'aaogaina o vaila'au?

Fa'amamaina o lona uiga o le ave'eseina o siama (baketeria ma vairusi), palapala ma 'ele'ele mai fola e fa'aaogaina ai vaila'au ma vai ua fa'availa'auina.

Fa'availa'auina o lona uiga e fa'aaogaina kemikolo e tape ai siama i luga o fola. E fa'aaoga le fa'availa'auina pe a mana'omia ona o luga o fola ua ono fa'atama'ia e le vairusi.

O a vaega e tatau ona fa'amamaina ma fa'availa'auina, ma e fa'afia?

O so'o se fola e fetagofi so'o i ai e tatau ona fa'amamaina so'o, e pei o 'au o faitoto'a, luga o fata, telefoni, EFTPOS ma mea pei o faleuila.

O luga o fola e fa'aalia ai le palapala, pe o i ai foi ni mea na masa'a ai, e tatau ona vave fa'amamaina.

O le fa'availa'auina e mana'omia pe a fai ua i ai le tulaga ua a'afia pe masalomia fo'i ua maua i le COVID-19 i le fale faigaluega. Afai e to'atele tagata e ulufale i lou falefaigaluega i aso ta'itasi, e fautuaina e tatau ona fufulu fa'availa'auina so'o.

Fa'afelea pe a fai ua i ai le tulaga o le COVID-19 i lo'u fale faigaluega?

Afai ua maua a'afiaga i le COVID-19 i le fale faigaluega, o lau [setete po'o le teritori pulega o le ofisa soifua maloloina](#) o le a ta'u atu ia te oe le mea e fai. Mulimulita'i ia latou fa'atonuga.

O lou fale faigaluega e mana'omia le matua fufulu mama ma fa'availa'auina ae le'i toe fo'i atu tagata i le fale faigaluega.

Ae a mea totino a tagata faigaluega?

E tatau ona e ta'u atu i au tagata faigaluega e fufulu so'o a latou mea totino i totonu o le fale faigaluega, e pei o matatioata ma telefoni, fa'aaoga ai uaipa fa'availa'auina.

Afai ua sioti mea uma, e mafai ona fai lava a'u ia vaila'au fa'amama?

O vaila'au e fa'atau mai le faleo'oloa ua pasia e le malo, ma ua e iloaina e aoga. Ui i lea, e mafai ona e gaosia a oe lava vaila'au fufulu e fa'aaoga ai kemikolo ma vai. Ia mautinoa e fa'aaoga ma taulimaina ma le fa'aetete kemikolo ona e mafai ona le sefe ma a'afia ai.

O a ofu e fa'aaogaina e a'u tagata faigaluega pe a fufuluina mea?

I le tele lava o tulaga, e le mana'omia e tagata faigaluega ona fa'aaoga ofu e puipua ai latou a'o fufuluina lou fale faigaluega. O se tulaga amata:

- o totinilima o le tulaga itiiti lea e mana'omia

- ufi mata e tatau ona fa'aaogaina pe a fai e fufuluina se eria ua feitaia'i ma se tasi ua masalomia pe ua fa'amaonia foi ua maua i le COVID-19
- o ofu talaloa ma suti e fa'aaoga ma tia'i e le mana'omia
- E tatau ona e fa'avanoaina mea e puipuia ai i latou, ma ia mautinoa e a'oa'oina i latou i le fa'aaogaina o ia mea.

Fa'amata o mea e fete'ena'i ma le siama (antibacterial products) e tapeina le COVID-19?

O mea ua gaosia e fete'ena'i ma le siama (antibacterial products) ua gaosia e tapeina le paketeria. Peita'i, o le COVID-19 e mafua mai le vairusi ae le o siama (bacteria), ma e le mana'omia la antibacterial products.

Mo le fufuluina o lima, o le faisimoli fa'aaogaina so'o ma vai mafanafana e lava lea.

Fa'amatalaga atili

Mo ni fa'amatalaga atili e uiga i le COVID-19 ma galue soifua maloloina ma saogalemu, alu i le [upega tafa'ilagi Safe Work Australia](https://www.swa.gov.au/coronavirus).